



SIGN
up for impact



Akademija održivosti Poziv za aplikacije

Fondacija Mozaik, u partnerstvu sa SIGN mrežom i uz finansijsku podršku Evropske unije, objavljuje poziv za aplikacije za program "Akademija održivosti". Ovaj program ima za cilj omogućiti malim organizacijama da izgrade partnerstva sa potencijalnim novim donatorima u svojim zajednicama, unaprijede svoju dugoročnu viziju i finansijsko planiranje te povećavaju svoju održivost, a uz njih i vidljivost i utjecaj.

Akademija održivosti je dio projekta "SIGN Up for Impact", koji implementira SIGN - Mreža domaćih donatorskih organizacija iz jugoistočne Evrope, a koji finansira Evropska Unija kroz program "Objedinjavanje regionalnih tematskih mreža organizacija civilnog društva". Opšti cilj ovog projekta je poboljšanje utjecaja civilnog društva na procese politike i donošenja odluka u Srbiji, Crnoj Gori, Bosni i Hercegovini, Kosovu i Makedoniji, poboljšavajući pravno i finansijsko okruženje za razvoj filantropije i doprinoseći građanskom društvu veću finansijsku održivost, nezavisnost i legitimitet. Ovaj projekat će se realizovati do jeseni 2021. godine u pet zemalja regiona Zapadnog Balkana od strane Trag fondacije (Srbija), Fonda za aktivno građanstvo (Crna Gora), Fondacije Mozaik (Bosna i Hercegovina), Foruma građanskih inicijativa (Kosovo), Udruženja HORUS Makedonija) i Fondacije Catalyst Balkans (Srbija).

Poziv za prijavljivanje je otvoren za sve organizacije civilnog društva registrovane na teritoriji Bosne i Hercegovine, koje su osnovane više od jedne godine i čija je primarna teritorija zajednica (selo, općina/opština/grad) gdje su registrovani. Prijaviti se ne mogu pojedinci, preduzeća, državne institucije, državni organi, lokalne samouprave, javne i obrazovne institucije, međunarodne organizacije, političke organizacije i partije, kao i organizacije koje djeluju izvan lokalnog nivoa.

Opis programa

Organizacije koje budu odabrane da učestvuju u ovom programu dobiće dvostruku podršku - (I) za izgradnju kapaciteta u informiranju javnosti i mobilizaciji lokalnih resursa (II) u realizaciji kampanje prikupljanja sredstava i sufinansiranje. Očekuje se da će se sve programske aktivnosti realizovati između marta 2019. godine i maja 2020 godine.

I - Izgradnja kapaciteta u mobilizaciji lokalnih resursa

- **Selekcija** - Nakon roka za prijavu i na osnovu kriterijuma programa, Fondacija Mozaik će odabrati **do 10 organizacija** koje će učestvovati u programu;
- **Izgradnja kapaciteta** - Dva predstavnika/predstavnice odabranih organizacija učestvovaće u dva modula obuke, i to u (I) trodnevnom treningu na temu diverzifikacija sredstava i mobilizacije lokalnih resursa, principa finansiranja i resursa, tehnike prikupljanja sredstava, izrada Plana Podrške i korištenja softvera CiviCatalyst te (II) dvodnevnoj obuci u kojoj će učesnici biti u mogućnosti da definišu razloge za prikupljanje sredstava, kompletiraju planove prikupljanja sredstava te naprave strateški Plan podrške. Moduli obuke biće održani 07.02-09.02.2019. i 08.03-09.03.2018. godine. Prisustvo modulima obuke je obavezno za oba predstavnika/predstavnice.
- **Podrška** - Pored aktivnosti na izgradnji kapaciteta, svaka organizacija će dobiti konsultativnu podršku za razvoj svog strateškog plana i pravca prikupljanja sredstava. Podršku organizacijama će pružiti Fondacija Mozaik;



SIGN

up for impact



- **Priprema planova za prikupljanje sredstava** – Do 09.03.2019. godine, organizacije koje su odabrane za učešće u programu razvit će i dostaviti završne prijedloge projekata, a koji sadrže detaljnije opise svojih inicijativa za koje prikupljaju sredstva i konkretnih planova prikupljanja sredstava. Očekuje se da će proces izgradnje kapaciteta omogućiti svakoj organizaciji učesnici da procijeni svoje kapacitete i dizajnira realan plan prikupljanja sredstava koji će najviše biti u skladu sa potrebama i stanjem njihove lokalne zajednice.

II – Sprovođenje procesa prikupljanja sredstava i ko-finansiranja

Od odabranih organizacija biće zatraženo da podnesu potrebnu finansijsku dokumentaciju prije nego što prime bilo kakva sredstva od Fondacije Mozaik.

- **Tehnička podrška** - U cilju sprovođenja aktivnosti prikupljanja sredstava, svaka organizacija će dobiti tehničku podršku do **1.370 KM**. Tehnička podrška ima za cilj da pokrije potrebne troškove sprovođenja kampanje prikupljanja sredstava i može se koristiti za mini online i offline kampanje, promotivni materijal i slično;
- **Prikupljanje sredstava** - Od marta 2019. godine, organizacije učesnice će započeti primjenu svojih kampanja za prikupljanje sredstava od individualnih i korporativnih donatora u svojoj lokalnoj zajednici; Predviđeno je da kampanje prikupljanja sredstava traju do 6 mjeseci. Proces prikupljanja sredstava će biti konkurentan među učestvujućim organizacijama, što znači da će oni koji prvi postignu svoj cilj prikupljanja sredstava prvi biti uzeti u obzir za ko-finansiranje;
- **Ko-finansiranje** – Ovaj grant će biti dodjeljen onim organizacijama koje prve dođu do svojih ciljanih iznosa prikupljanja sredstava. Ukupan fond za grantove iznosi **54.770 KM**. Po završetku kampanje prikupljanja sredstava, svaka učenica podnosi izvještaj o prikupljenim sredstvima, a Fondacija Mozaik će sufinansirati jednak iznos koji je prikupljen od pojedinaca i kompanija do maksimalno **7.825 KM**.
- **Sprovođenje aktivnosti** – Nakon isplate grantova, organizacije učesnice će sprovoditi inicijativu za koju su tražili finansiranje. Po realizaciji inicijative organizacije će biti dužne da podnesu finalni narativni i finansijski izvještaj Fondaciji Mozaik.

U obje faze programa, sve organizacije učesnice će dobiti podršku od Fondacije Mozaik, kako za dizajn plana prikupljanja sredstava tako i za njegovu implementaciju.

Na kraju ovog procesa Fondacija Mozaik će organizovati treći modul obuke gdje će organizacije učesnice moći razmjenjivati svoja iskustva u prikupljanju sredstava i prikazati primjere najbolje prakse i naučenih lekcija.

Aplikanti programa

Program je namijenjen donosiocima odluka u organizaciji koji su spremni da posvete vrijeme za planiranje prikupljanja sredstava u okviru šire organizacione strategije. Također je važno da aktivno učestvuju u svim planiranim aktivnostima.

Predložene inicijative idealno treba da budu vezane za oblasti: razvoja lokalne zajednice, zaštite životne sredine, socijalne uključenosti, socio-ekonomskog razvoja, ženskih pitanja, rodne ravnopravnosti, društvenog preduzetništva, zapošljavanja mladih i borbe protiv diskriminacije. Imajte na umu da sve organizacije civilnog društva moraju predstaviti razlog za prikupljanje sredstava tj. konkretnu ideju projekta za koju namjeravaju prikupiti sredstva. Minimalni iznos koji organizacije trebaju prikupiti u lokalnoj zajednici iznosi 3.911 KM.



SIGN
up for impact



Organizacije koje su ranije bile podržane kroz Akademiju održivosti, program koji je implementirao SIGN Network između 2013-2016, a koji finansira Evropska unija i sufinansira Balkan Trust for Democracy, nisu u mogućnosti da se prijave ponovo.

Iznosi grantova

Prvi grant u okviru ovog programa biće tehnička podrška u iznosu do **1.370 KM** koju će primiti svih 10 odabranih organizacija. Nakon toga, organizacije koje učestvuju, a koje na najučinkovitiji i efikasniji način postignu svoj cilj prikupljanja sredstava, dobiće odgovarajuće sufinansiranje u iznosu do **7.825 KM**, u zavisnosti od iznosa sredstava koja su prikupili. U suštini, ovo će udvostručiti sredstva koja su nagrađene prikupile tako da bi potencijalna ulaganja u jednoj zajednici mogla biti do **15.647 KM**. Pri određivanju iznosa za sufinansiranje, Fondacija Mozaik će priznati samo novčana sredstva prikupljena od pojedinaca i kompanija u lokalnoj zajednici. Sredstva prikupljena od javnih institucija, lokalne uprave i fondacija se ne smatraju prihvatljivim.

Ukupni fond za sufinansiranje iznosi **54.770 KM**, koji će se prvenstveno dodijeliti za sedam organizacija koje prve prikupe maksimalni iznos do **7.825 KM**. U slučaju da su ciljevi prikupljanja sredstava manji od 7.825 KM, Fondacija Mozaik može da dodijeli i više od 7 grantova. Ukoliko neke od organizacija koje su učestvovala u procesu izgradnje kapaciteta odustanu od procesa ili ne dosegnu maksimalni iznos prikupljanja sredstava, bilo koja ostala sredstva će se distribuirati najuspješnijim organizacijama koje su uključene u program u vidu bonusa. Kriterijumi za procjenu najuspješnijih organizacija su demonstrirana diverzifikacija resursa i potencijal za dugoročnu podršku (kao što su dugoročni ugovori, zalozi, donacije trajnih naloga itd.).

Utrošak sredstava

Grantovi dodijeljeni u okviru ovog projekta mogu se koristiti za osnovne studije; olakšavanje kontakata, konsultacija i diskusija između različitih aktera u lokalnim zajednicama; komunikacijske i informativne aktivnosti koje podržavaju izgradnju odnosa sa zainteresovanim stranama; organizacija konferencija, okruglih stolova, radionica i seminara; aktivnosti vezane za zagovaranje; monitoring aktivnosti; aktivnosti podizanja svijesti javnosti; objavljivanje letaka, priručnika i sličnih materijala; prihodovne aktivnosti; povezivanje sa drugim lokalnim organizacijama; razvoj preduzetništva; razvoj poslovnih planova (i druge strategije održivosti); različite aktivnosti prikupljanja sredstava (događaji za prikupljanje sredstava, raspodjela finansiranja, dobrotvorne aukcije i slično); komunikacija, vidljivost i medijske aktivnosti (kao što su medijski događaji, izjave za medije, objave članaka i sl.); aktivnosti organizovanja i razvoja zajednice; pružanje obuka; istraživanja zasnovana na zajednici; aktivnosti neformalnog obrazovanja.

Aplikacijska procedura

Kako bi se prijavili za ovaj poziv za prijavu, organizacije moraju dostaviti popunjenu Aplikacijsku formu. Obrazac treba da pruži osnovne informacije o (a) organizacionom kapacitetu i prethodnim iskustvima (b) vezama sa zajednicom i relevantnim zainteresovanim stranama na lokalnom nivou (c) motivaciju za prikupljanje sredstava i učestvovanje u programu (d) početnu ideju projekta (razlog za prikupljanje sredstava).

Popunjenu aplikacionu formu treba popuniti i dostaviti na akademija@mozaik.ba. Sve organizacije koje uspješno završe proces prijave dobiće potvrdu da će njihova aplikacija biti uzeta u razmatranje od strane Fondacije Mozaik.



SIGN

up for impact

Izborni kriteriji



Po zatvaranju konkursa, osoblje Fondacije Mozaik će uraditi tehničku selekciju aplikacija prema osnovnim kriterijima. Sve potpune prijave i u skladu sa osnovnim kriterijima će procjenjivati Komisija za odabir.

Finalnu selekciju do 10 organizacija će izvršiti nezavisna Komisija za odabir.

Kriteriji za finalni odabir su sljedeći:

- Demonstrirani kapacitet i motivacija za identifikovanje novih izvora finansiranja u okviru svoje zajednice;
- Značaj već ostvarenih rezultata postignutih u zajednici i organizacijski kapacitet za projektno i finansijsko upravljanje;
- Broj korisnika i obim ciljne grupe; postignute društvene promjene u zajednici u kojoj organizacija djeluje;
- Inicijalna ideja projekta;
- Procijenjeni kapacitet organizacije za prikupljanje sredstava za predloženu inicijativu;

Rok za dostavljanje aplikacija

Rok za predaju aplikacija je **17.01.2019. godine**.

Molimo vas da se blagovremeno prijavite za program. Fondacija Mozaik neće prihvatiti aplikacije koje stignu nakon ovog roka zbog tehničkih ili bilo kojih drugih nepredviđenih okolnosti.

Rezultati Poziva za aplikacije bi trebalo da budu poznati do 01.02.2019. godine. Za dodatna pitanja obratite se Armeli Ramić, menadžerici grantova na armela@mozaik.ba ili na broj telefona 033 266 480.

Važno je napomenuti da će 5 najuspješnijih organizacija koje su učestvovala u projektu biti pozvane da učestvuju u naprednim, regionalnim treninzima koji će se odvijati u proljeće 2020. godine, uz učešće 20 drugih organizacija civilnog društva iz 4 druge zemlje uključene u ovu inicijativu. Organizacije će biti izabrane na osnovu (a) kvaliteta njihovog Plana za podršku (b) sposobnosti da prikupe maksimalan iznos sredstava (c) sposobnosti angažovanja različitih i brojnih donatora za njihovu inicijativu (d) sposobnosti primjene najinovativnije tehnike prikupljanja sredstava.

Hvala Vam!